



ESP.KODEA 2024EUSK0001
KNOSYS ZBK.

AZKOITIKO UDALA
AYUNTAMIENTO DE AZKOITIA

IRAGARKIA

2024ko martxoaren 25ean Udaleko Herritarrek Batzordeko Lehendakari Delegatuak Dekretuz honako ebazpenak onartu ditu:

LEHENA: III. Hike eizan! Bertsopaper Lehiaketako deialdia egitea eta dagozkion oinarriak onartzea, betiere departamenduko zerbitzu teknikoak emandako txostenean egindako oinarri proposamenaren arabera.

BIGARRENA: Aipatutako oinarriak argitaratzea udaletxeko webgunean, iragarki oholean eta gardentasun atarian ondoko edukiarekin:

1. Lehiaketaren helburua

Lehiaketa honen helburua da hika hizkera bertsogintzan bultzatzea.

2. Lehiaketaren sariak

Umeak

Bertso-sorta onenari saria: 125,00 €

Gazteak

Bertso-sorta onenari saria: 250,00 €

Helduak

1. saria: 500,00 € (dagozkion zerga-atxikipena aplikatu ondoren)

2. saria: 250,00 €

Azkoitia-saria

Umeak: 75,00 €

Gazteak: 150,00 €

Helduak: 300,00 €

3. Lehiaketaren mailak

Umeak: 14 urtera arte (2010ean eta ondoren jaiotakoak).

Gazteak: 15- 18 urtera arte (2009-2006 urte bitartean jaiotakoak).

Helduak: 18 urtetik aurrera (2005ean eta aurretik jaiotakoak).

4. Lehiaketara lanak aurkezteko bete beharreko baldintzak

Bertsoek jatorrizkoak, argitaratu gabeak eta inon saritu gabeak izan beharko dute.



ESP.KODEA 2024EUSK0001
KNOSYS ZBK.

AZKOITIKO UDALA
AYUNTAMIENTO DE AZKOITIA

Parte-hartzaileek nahi adina bertso paper bidal ditzakete.

Bertso bakoitzari bere ordena-zenbakia jarri beharko zaio.

Umeak: gutxienez 2 bertso edo 4 koplak.

Gazteak: gutxienez 6 bertso.

Helduak: gutxienez 8 bertso.

Gaia, neurria eta doinua libreak izango dira.

Bertso-sorta guztiek euskaraz eta hitanoan idatzita egon beharko dute.

Noka idatzitako bertsoak baloratu egingo dira.

5. Eskerak non eta noiz aurkeztu

Bertso-sorta, izena emateko inprimakiarekin batera, ezizenez sinatuta behar bezala bete eta Herri Administrazioen Prozedura Erkidearen, urriaren 1eko, 39/2015 Legearen 16.4 artikuluan aurreikusitako edozein modutan aurkeztuko da, besteak beste, Azkoitiko Udaleko web orriko tramiteak online atalaren bitartez (<https://azkoitia.eus/udala/tramiteak>) edo herritarren arreta zerbitzuan:

Helbidea: Herriko plaza z. g. 20720. AZKOITIA

Astelehenetik ostiralera: 07:30-15:30

Lan bakoitzeko izen-emate inprimakia aurkeztu beharko da. Bertan zehaztuko da bertso-sorta zein mailalara aurkeztuko den.

Proposamena lehiaketara aurkeztu ondoren, ezin izango da erretiratu.

Lanak aurkezteko epea 2024ko apirilaren 8an hasiko da eta maiatzaren 15ean bukatuko da (biak barne).

6. Aurkeztu beharreko agiriak

Bertso-sorta lehiaketara aurkezteko interesatuek udalak emandako III. Hike eizan! Bertso paper Lehiaketarako izen-emate E309 inprimakia aurkeztu beharko dute. Inprimaki hori, interesatuek eskuragarri izango dute Herritarren Arreta Zerbitzuan eta Azkoitiko udaleko web orrian (www.azkoitia.eus).



Aurrez aurre eta postaz. Izena emateko inprimakiarekin gutun-azal ezizenez sinatuta bertsoak aurkeztu beharko dira.

Telematikoki. Izena emateko inprimakiarekin bertsoak ezizenez sinatuta aurkeztu beharko dira.

Lanak ez dira itzuliko. Prozesua bukatutakoan, lan guztiak Udal Artxiboan gorde eta zainduko dira.

7. Epaia eta sari-banaketa

Epaimahaia Hike eizan! lantaldeko eta Erniarraitz bertsozale-elkarteko bina kidek osatuko dute.

Epaia aldaezina izango da, bertso-sorta batek ez du sari bat baino gehiago jasoko eta aurkeztutako lanen maila egokia ez bada, epaimahaiak sariren bat eman gabe utz dezake.

Irabazleei epaia telefonoz edo posta elektronikoz jakinaraziko zaie.

Udalak bertso-sorta irabazleak 2024ko ekainaren 3an jakinaraziko ditu komunikabideen bidez. Sari-banaketa ekainaren 27an IV. Hike eizan! Bertso Saioan egingo da Elkargunean.

8. Bertso-paper sarituen jabetza-eskubidea

Bertso sarituen egileek Azkoitiko udalari lagatzen dizkie, eskusiboki, lan irabazleen ustiapen-, erreproduzio-, manipulazio-, edizio- eta erakusketa-eskubideak, bai eta lanaren jabetza industrialarenak ere, apirilaren 12ko 1/1996 Errege Dekretuaren 17. eta 48. artikuluetan ezarritakoaren arabera, zeinak Jabetza Intelektualari buruzko Legearen testu bategina onartzen duen.

Sarituek erantzukizun osoa hartuko dute bere gain sor daitekeen edozein eratako erreklamazioren aurrean, edo aurkeztutako lanen originaltasunari, antzekotasunari edo kopia partzialei buruz hirugarrenek egin diezazkioketen erreklamazioen aurrean.

9. Oinarriak onartzea

Lehiaketa honetan parte-hartzeak oinarri hauek onartzea dakar.

10. Izaera pertsonaleko datuak babestea



ESP.KODEA 2024EUSK0001
KNOSYS ZBK.

AZKOITIKO UDALA
AYUNTAMIENTO DE AZKOITIA

Informazioaren tratamenduan, kontuan hartuko da Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoan ezarritakoa eta aplikatu beharreko gainerako xedapenak.

Arduraduna. Azkoitiko Udala, Herriko plaza, z.g., 20720 Azkoitia. Telefonoa: (+34) 943 08 00 80. Datuen Babeserako Ordezkariekin harremanetan jartzeko helbidea: dbo@azkoitia.eus

Helburua. Datuak kontaktu gisa gorde eta erabiliko dira jarduera profesionala aurrera eramateko garrantzitsuak diren jardueretarako.

Legitimazioa. Interes legitimo batean oinarritzen da legitimazioa.

Jatorria. Zuzenean interesdunarengandik.

Hartzaileak. Ez dira aurreikusten hirugarrenei egindako datu-komunikazioak.

Eskubideak. Datuetan sartzeko, datu horiek zuzentzeko, suntsitzeko, datuen eramangarritasunerako eta datuen tratamendua mugatu edo uko egiteko eskubidea gauzatu ahal izateko, idatzizko komunikazioa eta zure nortasun-agiriaren kopia bidali behar dituzu arduradunaren helbidera edo Datuen Babeserako Ordezkariekin helbide elektronikora.

Uste baduzu ez zaizkizula errespetatu eskubide horiek, Datuen Babeserako Euskal Bulegoan edo Datuen Babeserako Espainiako Agentzian erreklamatu ditzakezu.

Informazio gehigarria. Informazio gehiago nahi izanez gero, begiratu Datuen Babeserako Politika (<https://azkoitia.eus/lege-oharra>).

11. Publizitatea

Lehiaketa honen informazio esku-orria udaleko www.azkoitia.eus atarian.

Izena emateko inprimakia eta telematikoki lanak aurkezteko lotura:
www.azkoitia.eus/Tramiteak/Tramiteak/Lehiaketak

12. Kudeaketa

Interesdunek argibideak eskatzeko edo galderak egiteko, Azkoitiko udaleko Euskara Zerbitzuarekin harremanetan jarri ahal izango dira, 943 857 175 telefonora deituz edo euskara@azkoitia.eus posta elektronikora idatziz.

13. Legeria



AZKOITIKO UDALA
AYUNTAMIENTO DE AZKOITIA

Sariak emateko, deialdi honetako oinarri arautzaileetan, Dirulaguntzei buruzko 38/2003 Lege Orokorrean eta hori garatzeko xedapenetan aplikagarri diren administrazio-zuzenbideko gainerako arauetan ezarritakoa aplikatuko da eta, halakorik ezean, zuzenbide pribatuko gainerako arauetan ezarritakoa.

14. Errekurtsoak

Deialdi honen aurka Administrazioarekiko Auzi Errekurtsoa aurkez daiteke bi hilabeteko epean, Administrazioarekiko Auzietako Epaitegian eta Berraztertze Errekurtsoa deialdi honen ebazpenaren aurka hilabeteko epean.

Epeak deialdi hau argitaratu eta biharamunetik aurrera hasiko dira kontatzen.

HIRUGARRENA: 33/2014 Foru Dekretuaren 112. artikuluan xedatutakoaren arabera helduen mailako 1. sariari dagokion % 19ko zerga-atxikipena aplikatu ondoren irabazleak 500,00 € jasotzea. Beraz, aipatutako saria 618,00 € izango da.

LAUGARRENA: Sariak 3300.480.335.00.07 2024 partidatik ordaintzea.

BOSGARRENA: Erabaki horiek Kontu-hartzailletza sailari jakinaraztea.

Azkoitian, 2024ko apirilaren 2an.

HERRITARRAK BATZORDEKO LEHENDAKARI DELEGATUAK



Sinaduren laburpena / Resumen de firmas

Titulua / Título:

2024EUSK0001-Komodina/Comodin (AZKOITIKO UDALA)